

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Außlegung Der Episteln vnd Evangelien von den fürnembsten Festen durchs gantze Jahr

Spangenberg, Johann

Nürnberg, 1625

Illustration

[urn:nbn:de:bsz:31-116526](https://nbn-resolving.org/urn:nbn:de:bsz:31-116526)



vnd auff diesen Fels will ich bauen meine Gemeine / vnd die Pforten der Höllen sollen sie nicht überwältigen. Vnd will dir des Himmelreichs Schlüssel geben / alles was du auff Erden binden wirst / soll auch im Himmel gebunden seyn/vnnd alles was du auff Erden lösen wilst / soll auch im Himmel loß seyn.

Was handelt diß Evangelium?

Dreyerley. Zum ersten/fragt Christus seine Jünger / was für ein Geschrey von ihm sey vnter dem Volck/vnd wofür sie ihn halten? Zum andern / antwortet Petrus von ihrer aller wegen/sagt: Du bist Christus des lebendigen Gottes Sohn. Zum dritten/verheißt er Petro/das er auff solch Bekänntnuß seine Gemein bauen wolle / vnd ihm die Schlüssel des Himmels geben.

Warumb fragt Christus so genaw/was die Leut von ihm halten?

Er thut freylich nicht auß Ehrgeiz / denn was solt Christus nach zeitlicher vnd Menschlicher Ehre fragen / der sein Ruhm vnd Preiß ewiglich bey Gott dem Vatter hat: So thut ers auch freylich nicht auß vntwissenheit / denn er ein Erforscher ist aller Herzen vnd Gedancken/was darff er viel fragens? Er sahe den Nathanael vnter dem Feigenbaum/Johan.am 1. vnd wußt/das Lazarus franck war / gestorben vnd begraben/Johan. 11. Wie solt er denn nicht wissen/was die Leute von ihm hielten vnd sagten.

Warumb fragt er denn?

Das thut er vmb zweyerley vrsach willen. Zum ersten vmb der Jünger willen/das er die in seinem Erkänntnuß gründlich vnterrichte. Denn dieweil er sie erwehlet hette/das Evangelium in aller welt zu predigen/wolt er auch/das sie auff's allerbeste vnterrichtet würden/wer er were/vnd was man von ihm halten solt. Zum andern/vmb des Volcks willen/das sie eygentlich wüßten/wem sie folgen solten/sintemal so mannigfaltig vertheil

Es ij

vnd